

行也其先朝太政大臣藤原朝臣○不者非唯功高於天下是復皇家之外戚是以先朝贈正一位太政

大臣斯實依我命已極官位而准周禮猶有不足竊思勳績蓋於宇宙朝賞未允人望宜依太公故事追

以近江國十二郡封為淡海公餘官如故以繼室從一位縣狗養橋宿禰贈正一位為太夫人又得大師

○藤原押勝奏僞故臣父及叔者並為聖代之棟梁共作明時之羽翼位已窮高官尙未足伏願廻臣所賜太

師之任欲讓南北兩左大臣者宜依所請南卿○武智麻呂贈太政大臣北卿○房前轉贈太政大臣庶使酬庸

之典垂跡於將來事君之臣盡忠於後葉普告遐邇知朕意焉

三代實錄二十一貞觀十四年十月十日丁未正三位守右大臣兼行左近衛大將藤原朝臣基經抗表

辭故太政大臣忠仁公○藤原良房封邑曰臣聞昔樊裏侯之遺言時至猶從厥旨羊太常之終制府丞不敢

違心何況忘私義讓指河曰而結誠愛國忠謀糜肝膽而貽誠臣謹讀去月四日詔書贈於故太政大臣

藤原朝臣以正一位又以美濃國封之為美濃公諡曰忠仁食封資人並同平日太政大臣之官亦如故

矣崇賞懇勲寵光輝赫聲榮之盛門閥縟萃伏計先臣幽魄追榮舊想添冕藻於天波退憚新恩增冰谷

於地底但先臣臨終誠臣曰余昔奉聖主於襁褓望成人於日月上天從欲明辟累年吾生自此而歿世

上亦有何思徒恨時運陵遲邦國凋弊雖煩開聖化於東后猶難起人謠於甫田生時既見帑藏之空死

後何招錙銖之費即我下世之後朝例攸給葬送等物凡諸應為公煩者無小無大須宜固辭一切勿請

但如此心事須面諮皇太后殿下然而君臣禮隔男女事殊何驚長樂之宮敢幸沈淪之地吾既無男

汝即猶子宜述吾志莫忘吾言而今職位食封既同平日加之以美濃之一國公費兼倍於生時誠非先

臣提撕告誡之意也臣仍具狀以聞○中略勅答曰省表悉之故太政大臣忠仁公保養朕躬丕訓告功朝

露溢至傷如之何凡褒贈之設所以旌有功表有德也忠仁公處於外祖之顯地重以上台之元功朕思

所以加隆無所不至但尋公平日之志深秉謙損之志是用纒飾以正一位追封為美濃公於朕之心猶

有不厭軍法斬一牙門將者封侯萬里之外夫斬一將之功孰與安寧天下況亦有天爵者人爵從之朕